
УЧКЎПРИК ДАЛАЛАРИДА ЗАМОНАВИЙ СУҒОРИШ ТЕХНОЛОГИЯЛАРИ ЖОРИЙ ЭТИЛМОҚДА

"Fergana Global Tekstil" МЧЖ пахта-тўқимачилик кластери томонидан мазкур деҳқончилик йилида Учкўприк туманида 5720 гектар ерда пахта етиштириш мақсадида 185 та фермер хўжаликлари билан шартнома имзоланган.

- Шу кунларда пахта майдонларида муҳим агротехник тадбирлар амалга оширилиб, маҳаллий ва минерал ўғитлар билан учинчи маротаба ишлов бериш, суғориш, ҳашоратларга қарши курашиш жараёни давом этмоқда, - дейди кластер корхонасининг Учкўприк тумани бўйича бош агрономи Арабжон Ҳожиакбаров. - 2021 йилда тумандаги 1000 гектар пахта майдонида томчилатиб, 200 гектар ғалла экилган ерда ёмғирлатиб суғориш технологияси жорий этиш режалаштирилган.

"Акмалхон" фермер хўжалиги раҳбари Хайрулло Ғуфронов жорий йилда 20 гектар ерда томчилатиб суғориш технологиясини жорий этди. Бунинг учун 66 минг доллар миқдорида маблағ сарфланди. Фермернинг қайд этишича, бунинг учун сарфланган 66 минг доллар маблағнинг бир қисми субсидия, солиқ имтиёзлари тарзида қайтиб берилади. Шу боис фермер биринчи йилдаёқ ҳаражатни қоплашига ишонмоқда.

Фермер хўжалиги аъзолари бу йил 72 гектар ерда парваришланган ғалла ва пахтадан 600 миллион сўм даромад олишни мўлжаллаяпти.

[Бизни ижтимоий тармоқларда кузатинг Facebook,](#)
2021-06-21 16:08:15